

Parare Domino Plebem Perfectam

A lokisetse Morena Sechaba se phethehileng (Luka 1,17)

# Moeletsi oa Basotho

www.moeletsiobasotho.co.ls

Hopolang ho ngolisa



Le futhumalle Basotho



O nehelana ka matlo



## BA BOLAOA KE LETŠOLLO



3

**MAHLOHONOLO A KERESEMESE**

**LE SELEMO SE SECHA.**

[www.moeletsiobasotho.co.ls](http://www.moeletsiobasotho.co.ls)

+266 28 350 466/  
+266 6260 0983 WhatsApp  
[newsroom@moeletsiobasotho.co.ls](mailto:newsroom@moeletsiobasotho.co.ls)

#PARARE DOMINO PLEBEM PERFECTAM

# MOELETSI

## Ipolokeng, ketekang hamonate

## Bana, bapallang hole le lithetefatsi



### Nthabeleng Seithleko

**L**eha matsatsi a phomolo ea Keresemese le mafela selemo e le a boithabiso, batsoali ba loka la ho hlokomela metsamao ea bana ba bona le ho nena ka hohle ho ba fa chelete kaha ba reka lithetefatsi ka eona. Litaba tsena li boletsoe ke Mookameli oa Litaba tsa Poloheho le Tšireletso ea Bana, Lekaleng la Bacha, Tekano le Ntšetso-pele ea Sechaba 'Mantsoa Sejake, ka la 17 Tšitoe monongoa.

O re ba hlokometse hore batsoali ba fa bana chelete ho ithabisa empa le teng ha ba lisi tšebeliso ea eona, hobane ba eletsoe hore ba reka joala le mofuta e meng

ea lithetefatsi, le hoja molao o sa lumele hore bana ba rekisetsoe joala empa ho bonahala taba ena e ntse e le qholotso e kholo.

O re liketso tsena li beha bophelo ba bana tsietsing kaha ha ba tahilo e ba mahlatsipa a tliekefetso le ho iphumana ba entse litlolo tsa molao. O re bana ba banana ba hlalosa e le bona ba tlakotsing ea ho koetloa ka lebaka la tšusumetso ea tai ka hona leo bohle ba fue lintho tse ithabisang e seng chelete.

O itse ke boikarabello ba batsoali le bahlokomeli ho lisa metsamao ea bana ba bona nakong ena eo lefatše le tšoereng ka thata toantšong ea lithetefatsi molomong oa bokamoso bo chabileng ba bana, le naha e nang le seriti kholisong ea

ngoana.

A ipiletsa ho batsoali ho khaotsa ho tsamaisa bana ba le bang kaha ka molao ba nkoa ba lahlehile, 'me moo e bang ngoana o nka leeto ea tsamaeang le ngoana a be le lengolo la tumello ea motsoali le bopaki bo feletseng ba litokomane ho qoba litaba tsa thekisetano ea batho.

A tsoelapele hore ho baleha litaba tsa ho nyamela ha bana, ba t'le beha bahlabolli malibohong ka ho fapakana ho alosa taba ea metsamao ea bana e le ho netefatsa polokeho ea bana. O re sena se tsoaloe ke hore ho na le bana ba ntseng ba le mehlaleng ea bona, ba phelang mahaeng a likhutsana Afrika Boroa bao batsoali ba lokelang ho ba lata empa e le taba ea methati e mteelele e ba sitisang ho fihlela seo.

Ka lehlakoreng le leng, Mookameli oa Mokhatlo oa Bahoebi ba Lijo le Lino, Mothobi Mothobi, o itse ba tšoele ka mathe ketso e etsoang ke bahoebi ba joala ea ho rekisetsoa bana mothamane, ka hoo ba t'le nka boikarabello ho bona hore ha ho bana ba rekisetsoang joala. A re moo ketso e joalo e etsahalang mohoebi ea joalo o tla nkeloa likhato tsa molao.

O re ke tokelo ea bona e le mekhatlo ho sireletsa bana, ho sa natsoe hore na motho o sebetsa lefapheng lefe empa ba se ke ba shebella ha litaba li senyeha kaha bana e le sechaba sa kamoso. O re melao e lokela ho tiisoa ka likotlo tse matla tse tla tšabisa batho ho tloa molao.

A re ba ipiletsa ho beng ba likhoebo tsa mothamane ho sireletsa kholo ea ngoana, ho rekisetsoa batho ba lokelang joala, 'me le motho e moholo ea tla fumanoa a le molato oa ho rekela bana joala o tla nkeloa likhato tsa molao.

### Tšehetso ka beng ba likolo

**K**e ile ka bolela nakong e fetileng hore likolo li mekhahlelo e meraro, ke tsa sechaba, tse ikemetseng le tse khethehileng.

Likolo tse ngata tsa mathomo tse hlohang tšehetso e matla, beng ba tsona ke likereke tse ileng tsa ikhetlala ka boithatelo ba tsona bo tletseng, hore likolo tsa tsona li oele mokhahlelong oa likolo tsa sechaba. Likolo tsa sechaba ke likolo tse amohelang barutoana

ho latela leano la 'muso la thuto e sa lefelloeng ke batsoali. Ho na le likolo tseo beng ba tsona ba sa kang ba amohela leano lena, tseo batsoali ba ntseng ba lefa lichelete sebakeng sa tsamaiso ea sekolo. Likolo tse joalo li bonahala e ka li khona ho fihlela tsamaiso e batlang e khotsofatsa hobane li sebelisa chelete e lefshoang ke batsoali.

Leha ho le joalo, mong'a sekolo sa sechaba ea batlang ho fetola maemo a sekolo sa hae, a ka etsa kopo e joalo ho Letona la Thuto le Koetliso ho latela karolo ea 14 (1) ea Molao oa Thuto 2010.

Ke lumela hore maemong ao likolo tsa likereke e leng tsa sechaba, boemo bo joalo ha boa amoha beng ba tsona tšoanelo kapa boikarabello ba ho tšehetsa likolo tsa bona hore li phele hantle, li tsoelepele ho lokisetsoa Morena Molimo sechaba se mo lokelang.

**'Mabathoana Khotle**

Baitšokuli ba re ha joale ba thehile lebotho leo ba tla ikalosa ka lona khahlanong le liqholotso tseo ba kopanang le tsona nakong ena ea matsatsi a phomolo ea Keresemese le Selemo se Secha. Hara tseo ba li khotlaetsang ke hore bohle ba orohoe esale nako ho baleha linokoane tse ka ba tšoarang poho. Sena se tobile haholo ba ba basali, ba fuoeng keletso ea ho sebeletsa moo ho bulehileng le ho koaloe matlo a moo ba sebeletsang teng haholo haeba ke batho ba rekisang ba tsamaea. Keletso e 'ngoe hape ke hore ba hlahlobe hantle litfiso tse etsoang ka marang-rang hobane boqhekanyetsi bo bangata hona moo. Ba ipilelitse ho beng ba liketso tsena tse sooto ho khaotsa hobane le bona khoebo ea bona matsatsing ana e hula ka falese. Batho ba neng ba reka ba sa khethe nku ka pere ke ba sebetsang life-meng, joale ha ba fokolitsoe tjena le tsona li koetsoe ehlile khoeli e apohetsoe ke maru.

Lekala la Bacha, Tekano le Ntšetsopele ea Sechaba le bontša le sa nyatse letho ha batho ba ithabisa nakong ena ea thabo, empa joale batsoali ba hlokomela hore na ba fa bana eng ho ithabisa. Le etsa tlhokomeliso hore ho fa bana chelete ha se mokhoa o nepahetseng hobane ba qetella ba rekile joala le lithetefatsi ka eona. Ha ba se ba tahilo e ba hlaheloa ke lintho tse ngata joaloka ho koetloa, ho etsa litlolo tsa molao kapa ho ba mahlatsipa thekisetanoeng ea batho. Ba ipiletsa ho batsoali ho lisa bana ba bona nakong ena ho qoba le ho ba roma matlong a mothamane. Mokhatlo oa Lijo le Lino ka mookameli oa ona o khahlanong le bo-rakhoebobohle ba rekisetsang bana joala. O re bohle ba fumanoang ba etsa joalo ba nkeloe likhato tsa molao, ho kenyeletsa le ba romang bana ho reka joala. Hare baballeng sechaba sena sa rona sa kamoso, ka ho se thusa ho etsa liqeto tse se nang ho thunthetsa bokamoso ba sona.

Koporasi ea Ntšetsopele ea Moruo (LNDC) e bapalitse Lesotho 'Musong oa Germany, lipuisanong tse bileng lipakeng tsa linaha tsena tse peli. Hara lintlha tseo e li behileng ke hore Lesotho ke naha ea khotso, ho feta moo e na le metsi ao linaha tse ngata li a sokolang. Le boetse hape le haufi le Durban sebakeng sa ho tsamaisa le ho amohela lihlahisoa ho hlaha linaheng tse ling. Naha e sebelisa puo ea Senyesemane ka 86.2% khoebong, e boetse e na le sechaba se sengata ho thusa ho etsa mosebetsi o ka bang teng.

Litabeng tse ling Germany e tšepisitse Lesotho lithuso mabapi le phehlo ea motlakase e hloekileng. Letona la Lihlolieng ha le buella Lesotho le itse ho se ntse ho e-na le libaka tseo ba li hloahileng ho fehla motlakase ka metsi, moea le letsatsi. Oxbow e fumanehang Seterekeng sa Buttha-Buthe ba butse setsi se tla fehla motlakase ka metsi, moea le letsatsi. Ha e le Mahobong e Seterekeng sa Leribe teng ho tla sebelisoa moea le metsi. President ea Germany ha e-ea hanana le kopo ena, 'me ea bontša hore Basotho ba lokela ho hlokomela le ho ikhantša ka taemane ea bona ea metsi.

Re le Koranta ea Moeletsi oa Basotho re lakaletsa babali bohle ba rona Keresemese e monate le mahlohonolo a Selemo se Secha. Morena Molimo a re bolokele lona 'me a le sireletse le malapa a lona. Ketekang hamonate 'me le ithokomele khahlanong le litlolo tsa molao. Baballeng 'mele ea lona eo e leng tempele ea Morena, hape e jereng meea ea lona e leng bohlokoa haholo.

Contacts: +266 28350 466 / 6260 0983 (Whats app)  
Email: moeletsioabasotho@gmail.com



#### Editorial

Lesoetsa Rakubutu (Editor)  
(+266) 58490670 / 62031949  
editor@moeletsioabasotho.co.ls

Lehlohonolo Mohale (Sub-editor)  
(+266) 58 771 507 / 62 771 507  
subeditor@moeletsioabasotho.co.ls

#### Advertising

Thabo Lesaona  
(+266) 28 350 466 / sales@moeletsioabasotho.co.ls

#### Newsroom

Nthabeleng Seithleko 57 665 038/ 68 216 721  
nthabeleng.seithleko@moeletsioabasotho.co.ls

Tšeliso Thakholi (Sports) 58 540 853/ 63 480 404  
tseliso.thakhuli@moeletsioabasotho.co.ls

newsroom@moeletsioabasotho.co.ls

**Production Desk**  
**'Mateele Liqa**

# Ho qhoma lefu la letšollo le lehlats'o



teng ho ona.

O re ntle le hore hoa che-sa sechaba se lokela ho ipaballa le ho bona lingaka ka nako ba se ke ba re ba tloetse ho tšolla kaha ho le kotsi.

Har'a litaba tse ling o itse ho boetse ho qhomme sefu-ba se bonahalang baneng ka bongata, ha ketsahalo ena ea letšollo le lehlats'o e qalile Ha Letele Matlameng 'me ke bashemane ba 51 le basuo ba ileng ba tlahoa ba e-na le bokulo kamor'a ho noa metsi selibeng se neng se sa sireletsoa le metsi a se hantle.

Matšoao e bile bohloko ba ka mpeng, letšollo, lehlats'o le bohloko ba hlooho. Ka lebaka la maemo a leholimo a feto-fetohang o ipiletsa ho sechaba ho se nke nako e telele se sa ee litšebelsetsoeng ha se ikutloa se e-na le bothata.

A khotlaetsa bohle ho noa metsi a belisitsoeng, ho qoba ho ema letsatsing nako e telele, ho hlape matsoho khafetsa ha ba e-tsoa mohlabaneng le ho boloka bohloeki le malapeng.

O phethetse ka hore ba tla tseba ho fana ka lipalo-palo kamor'a ho bona hore na boemo bo joang ba bohle, ka hona bohle ba nke boikarabello ba ho boloka bophelo kaha ho ipaballa ho le molemo ho feta setlhare.

## Nthabeleng Seitlheko

**M**ookameli oa Phano ea Litšebelsetso tsa Bophelo Seter-ekeeng sa Leribe, Dr. Pusetso Topo, o re lipalo-palo tsa batho ba hlasetsoeng ke letšollo le lehlats'o li bonahala li ntse li theoha, kamor'a hore sechaba sa setereke

seo, le bashemane ba mephatoeng 'moho le basuo ba hlaseloe ke mafu ana. O boletse litaba tsena, puisanong le Koranta ka la 17 Tšitoe monongoaha.

O re libeke tse peli tse fetileng ho bile le sealuma ka mephatoeng moo ho ileng hoaba le bashemane ba babeli ba ileng ba hlokahalla ka mophatoeng kamor'a ho tšolla le ho hlatsa ha nako e telele ho bakileng tahle-

helo ea metsi 'meleng ea bona. O re ba ile ba potlakela sebakeng seo hang ha ba fumana hore lipalo tsa batho ba itlalehang setsing li phahame le tsa batho ba metseng e fapakaneng. O re ba fumane hore lijo tse jeoang sebakeng seo ha li ea nepahala kaha li ne li bolile ba ile ba li qhala, ba hlahloba metsi ba fumana hore le ona ha a boemong ba lokela ho khotlaetsa

bao ho a tlohela.

O re ba ile ba sebetsa 'moho le beng ba mephato ho bona hore bao ba fumaneloa metsi a hloekileng le ho beha boemo leihlo molemong oa ho fana ka pheko. O re ntle le moo ba fumane hore le sechaba metseng e fapakaneng se na le bothata bona, ka hona ba nkile metsi ho a isa litlahlobong hore ho fumanehe bothata bo e bang bo

# Hopolang ho ngolisa

## Nthabeleng Seitlheko

**R**aliphatlalats'o oa Komisi e Ikemetseng ea Likhetho (IEC) Tuoe Hantši o re komisi ea habo e ntse e sebetsa ka matla ho bona hore Basotho b'a ingolisa e le karolo ea ntlafatso ea lenane la bakhethi, 'me hona ke leeto la boitlhopho ba IEC sebakeng sa likhetho tse tlang. O boletse tsena ka la 17 Tšitoe monongoaha.

O re ka nako ena eo bohlo ba Basotho ba tlang hae ka eona, ha ba na ho phomola kaha ba lokela ho bona hore ba ingolisa ka bongata hohle moo ba leng hona teng, ka hoo ba tla bonahala litsing tsa mabenkele, metseng le malibohong hore bohle ba ingolise.

A re khotlaetso ke hore batho ba tsamaee ka likarete tsa bona tsa boitsebiso ka nako tsohle hore ba tsebe ho ngolisa. O re komisi e ile ea ikeletsa ho

sebelisa litokomane tsa boitsebiso ho qoba batho ba ingolisang ha ngata kaha ba le teng kahar'a sesiu sa ngoliso ea 'muso. A thatisetse ka hore ha ho na ho ba bonolo hore batho ba qhekelle litaba tsena, 'me le bona ba lokela ho tla ka lipheto.

A re karete ea boitsebiso e khetholohile ha ho kamoo motho a ka e sebelisang ho ingolisa khafetsa, kaha le bona motho ea joalo a hlahla sesiung sa bona. A re ba morerong oa ho eketsa basebetsi kaha ba e-na le morero oa ho arabela tlhoko ea Basotho ba tsoang ka ntle ho naha.

O tsoetsepele hore motho leha eba e le oa lebatooeng le leng a ka ingolisa hohle moo a teng empa a fana ka setereke se nepahetseng le lebatooa la habo hore mohlanka ea joalo a tsebe ho mo kenya kahar'a sesiu se hlokahalang.

A re ba ipiletsa ho Basotho ho tsamaea ka litokomane hore mosebetsi o tle o be bonolo molemong oa naha le oa Basotho bohle.

IEC e bile ea ntša polelo

moo e supang hore e tsebisabakhethi le sechaba sa

e-šo ngolise le Komisi ha e qala ngoliso bocha ka la 1 Phato monongoaha. Bahlanka bana ba tla ba haufi le boemelo ba likoloi le moo batho ba bang bangata.

hohle moo ba teng ha feela ba e-na le karete ea boitsebiso.

Setereke sa Maseru se butse litsi tsa ho ngolisa libakeng tse latelang ka har'a



Basotho hore bahlanka ba eona ba tla ba teng literopong tse leshome tsa naha. Sepheo e le ho ngolisa bohle ba seng ba le lilemo li 18 ho ea holimo empa ba

Ka mokhoa o tšoanang sechaba le sona se ka ikopanya e be se mema IEC ho tla se ngolisa. Basotho ba hopole hore ba ka ingolisa le ka marang-rang ba le

teropo; Posong Kingsway, Pioneer Mall, Maseru Mall le Masianokeng Wellness Centre. Ho fihlela ha joale ke Basotho ba 242,537 ba seng ba ingolisitse le IEC.

# RE TŠEHETSA BACHA



'Muelli le Motsamaisi oa Manane oa LNDB Nteboheleng Tanetsi.

## Tšeliso Thakholi

**K**oranta ea Moeletsi oa Basotho bekeng ena e phura leshoetla le mocha ea lilemo tse tlaase haholo, Nteboheleng Tanetsi ea fihletseng toro ea hae ea hoba 'muelli le Motsamaisi oa Manane oa Mokhatlo oa Lesotho oa Ntlafatso oa Batho ba nang le Bokooa ba Pono(LNDB). Hajoale o phela le ho sebetsa e le moithaopi mokhatlong ona. O manolla nalane ea hae le boiphihlelo boo a bo fihletseng mosebetsing oa hae hammoho le hore na batho ba nang le bokooa ba pono ke batho ba mofuta ofe le hore na ba lokela ho tsoaroa le ho baballoa joang.

### Nalane ea hae

Ke ngoanan'a Mosotho ea ntseng a le monyenyanane haholo lilemong ea e-s'o nyalo. Ke hlahetse Tsoelike Seterekeng sa Qacha's Nek. Ho tloha bonyenyaneng ba ka ke ile ka hlokomeloa ke batsoali ba ka, ka kena Sekolong sa Mathomo le se Phahameng ho fihlela ke ba

ke fihla ho se sehlo sa lithuto tsa mesebetsi ea matsoho le mahlale sa Limkwokwing ka selemo 2018. Ha ke le hona teng ka lehlohonolo le holo ke ile ka kopana le Lieketseng Machalotse ea nang le bokooa ba pono.

E re kaha ho tloha bonyenyaneng ba ka hae-sale ke rata ho sebetsa le ho phela le batho ba nang le bokooa ba pono, ha ke 'mona lekhetlo la ka la pele ke ne ke ipotsa lipotso li hana ho fela hore na hantle batho ba phelang le bokooa ba pono ba atleha joang ho etsa mesebetsi le lintho tse ling tse ngata joaloka batho ba nang le pono.

Ke ile ka mo atamela ra ba metsoalle ho fihlela kajeno. Ke motho ea bohlahe haholo ea nang le lineo tse ikhethang tseo Morena Molimo a mo fileng tsona. O ile a phutholoha a mpha letsoho kahare, 'me ka qala ho tseba le ho ithuta lintho tse ngata tsa bohlokoa ka batho ba nang le bokooa ba pono. E kholo eo ke ileng ka ithuta eona ha re ntse re le sekolong le eena ke hore bokooa ba pono ha se ho bolela hore motho a ka

hloleha ho etsa ntho e 'ngoe le e 'ngoe.

### Qaleho ea tšebetso

Machalotse o ile a matlafatsa moea oa lerato la ho sebetsa le ho phela le batho ba nang le bokooa, oo ke neng ke se ke ntse ke e-na le ona. Ka etsa qeto ea ho fetola merero ea ka ea lithuto, ka batla ho ba 'muelli oa litokelo tsa batho ba nang le bokooa ba pono. Ke ne ke batla ho sebetsa le bona letsatsi ka leng hobane ke ne ke hlokometse tse ling tsa liqholotso tseo ba kopanang le tsona letsatsi ka leng. Mohlala mokhoa oa litsela tseo ba tsamaeang ho tsona ha o motle bakeng sa bona. Lerato lena la ka la ho phela le ho sebetsa le batho ba nang le bokooa e bile leeto la ho tloha ka selemo sa 2019 ho fihlela ngoahola ha ke qala ho sebetsa ofising ea LNDB ke le moithaopi ea shebaneng le Manane-Tsamaiso a mokhatlo.

Ha ke se ke sebetsa le bona ke le moithaopi ke ithutile lintho tse ngata haholo hore batho ba nang le bokooa ba pono, ke batho ba bohle bao Morena Molimo a ba fileng litalenta tse ngata haholo. Ke batho ba ratang ho iketsetsa lintho. Taba ena ea hore re 'ne re ba koekoetle le ho ba nahanela hore ha ba tsebe ho iketsetsa lintho ke phoso e kholo hobane ke bacha joaloka mocha e mong le e mong. B'a ratao ba ea rata le bona. Ba ntse ba e-na le libopeho le mefokolo joaloka batho ba bang. Haeba ke motho ea botoutu o tla kopana le eena a ntse a le botoutu. Sena se bolela hore motho ea nang le bokooa ba pono ha ho bolele hore o na le litho tse fetohileng libopehong tsa hae. O atleha ho etsa lintho tsohle.

### Manane-tsamaiso

Ha ke qala ho kena ka ofising lenane la pele leo ke bileng le lona ke la khoeli ea Hlakola moo re neng re etsa tlhokomeliso ho batho hore batho ba nang le bokooa ba pono ba ntse ba e-na le likamano tsa marato, ba na le malapa joaloka motho e mong le e mong. Re ne re boetse re hlokomelisa sechaba hore motho ha e-na le bokooa ba pono seo ha se mo amohe tokelo ea ho theha lelapa kapa ho fuma ntšoa mosebetsi.

Lenane-Tsamaiso le leng ke moo re neng re bitsitse bahiri ba makala a fapakaneng e le ho tla ba hlokomelisa hore batho ba nang le bokooa ke batho joaloka ba bang. Ke 'nete ba ntse ba e-na le tlhoko tsa lisebelisoa empa seo ha se bolele hore ba ka se fuee menyetla ea mesebetsi. Re ne re boetse re memme bahiri ba likampuni tse kholo tse kang LEC, WASCO le MCC nakong eo ho neng ho lokisoa tsela ea Moshoeshe Road ho tloha

selika-likoeng se sehlo sa likoloi, kaha ba ne ba siile likoti kahar'a litsela, ba sa li sireletsa molemong oa batho ba nang le bokooa ba pono. Ntle ho mona re ba sireletsa haholo litokelong tsa bona tsa ho kena sekolo le phumantšho ea mesebetsi le ho thusoa ho ithehela mesebetsi.

### Keletso ho bacha-

Bacha ba heso bokooa ba pono bo ka fihla neng kapa neng ho uena. Ha bo rerisi ha bo kena. Ka hona baballang le ho rata bacha le batho ba baholo ba nang le bokooa ba pono. Ba kenyelletseng mererong eohle ea lona e metle ea letsatsi ka leng metseng le metsaneng moo ba phelang teng. Moo ba hloakang thuso ea lona ke kopa le ba thuse ka boithaopo le sa lebella letho. Empa moo le hloakang ho lefshoa ho be joalo. Rata batho ba nang le bokooa ba pono hobane ke 'mopo o tsoang ho Morena Molimo, 'me e ntse e le motho joaloka uena, ha ho na moo le fapakaneng.



E mong oa batho ba phelang le bokooa ba pono Lieketseng Machalotse.

## Listen To Us Here

Mafeteng  
Mohlale's Hoek  
Qach's Nek  
Quthing

Maseru  
Berea  
Leribe

Mokhotlong  
Thaba Tseka  
Buthe Buthe

[www.bokamoso974.co.za](http://www.bokamoso974.co.za)

# Lekunya o llela khanya

## Nthabeleng Seitheko

**M**okhethoa oa Mechechane, o seboko ka lefifi le aparetseng lebatooa la habo, kaha e le metse e fokolang e nang le motlalase. O boletse tsena, puisanong le Koranta ka la 17 Tšitoe monongoaha.

O re lebatooa la habo khar'a a mang a mangata le bonahala le hula ka lithako tsa morao hobane le metsi ke bothata kaha sechaba se ntse se sebelisa a liliba, nakong ena eo bohloeki bo khotlaletsoang ka hoo taba eo e amang bophelo bo botle ba sechaba.

A re nakong ena ea mocheso o mongata libaka tseo li'a omella batho ba fumane metsi libakeng tse hole haholo, hoo ho bolela hore sechaba sa habo se tlokotsing. O re ho bohlokoa hore bophelo ba sechaba bo bolokehe haholo ntlheng ea ho fumantšoa metsi kaha e le karolo e kholo e bolokang bophelo. O bontšitse a



tšoenyehile kaha batho ba sitoa ho arabela lithoko tsa bona tsa kamehla e leng ho sa jeseng litheohelang.

A re ke 'nete metse e meng e ile ea hokeloa motlakase empa ha se eohle ka lebaka leo taba eo e etsa sechaba se sallang morao le litabeng tsa bohlokoa kaha motlakase e se e le

ona o etsang bophelo bo bonolo e bile ka ona batho ba atleha ho etsa mesebetsi e mengata. O kopa 'muso ho sekehela tsebe litaba tsena le ho li phethahatsa kaha sechaba se le tlokotsing.

A ipiletsa hape hore 'muso o lokise tsela e tlohang Mokhotlong ho ea Ngoajoane

kaha e sa tsamaehe ho hang sechaba se sa fumane monyetla maetong a sona a kamehla. A re o tšoare ka thata ho bona hore lithoko tsa sechaba sa habo ke pale ea maobane.

Leha ho le joalo, Motlatsi oa Tona-Khoho Justice Nthomeng Majara, o ile a arabela taba ena ka hore bona

ke 'muso o boulelang boiketlo le ntlafalo ea sechaba, le ho bona hore ba arabela lithoko tsa sona ho se nolofatsa bophelo. A re ba tla sebetsa taba ena ka nako kaha ba rata Basotho ba phelang ka khotso, poelano, khora le ho nolofalloa ke bophelo.

A re har'a mesebetsi e meng eo ba seng ba e fihletse ke ho hokela metse ea Basotho ka motlakase, ka hona o lumela hore lebatooa leo ha le na ho ba mokhelo selemong se tlang sa lichelete. A re ba ikemiselitse ka hohle hore naha e khanye le Basotho ba fumantšoe lithoko tsa bona hobane ke bakhethi, ba bile ba lefa likhafa joaloka mang le mang.

A supa ba sebetsa hantle ba ikamahanya le lipehelo tsa machaba, maano a naha (NSDP2) lipehelo tsa ntšetsopele ea moshoelella hore ka 2030 Naha ea Lesotho e be e ntlafetse joaloka linaha tse ling e fihleleha ha bonolo le tšebeliso ea marang-rang e le bobebe ho bohle ho se Mosotho ea siheletsoeng morao.

# Lesotho le futhumalle Basotho-Mojapela

## Tšeliso Thakholi

**M**oetapele oa Lekhotla la Kanana ea Basotho (SR), Adv. Teboho Mojapela o ipilelitse ho Makanana ohle a Lebatooa la Matelile No. 54 ho phatlaletsa sechaba mo-laetsa oa Lekhotla la habo bona ka linako tsohle, o reng ba batla Lesotho le tla futhumalla Basotho bohle, leo ho seng batho ba tla etsa lintho tse mpe ha ba khethetsoe pusong.

O itse bakhethi ba kopanye bana ba bona ho ba etsa ngatana-ningoe ho ba ruta hore makhabane h'a qoqoe feela joalokaha babusi ba thetsitse sechaba boiketong ba bona ba likhetho tse fetileng ka ho sebelisa makhabane, athe ba koetlile marumo ka likobong. "Ke nako ea hore Lesotho lena kaofela ho buoe ka makhabane a bonoang boeta-peleng." Tsena Mojapela o li buile moketeng o bileng Lebatooeng la Matelile, Mafeteng ka la 15 Tšitoe monongoaha moo SR e neng e amohela mokanselara ea kenang kahare ho eona e leng Monghali Motlatsi Khomo.

O boletse sechaba moketeng oo hore Naha ea Lesotho le tikoloho eohle ea Afrika li thefutsoe le ho futsanehisoa ke bobolu, 'me Makanana a lokela ho ema ka maoto ho bo loantša e le hore Lesotho le tle le tsebe ho loka. "Naha ena ha e na boitšoaroe re hloka monna ea tla kenya matsoalo ho sechaba le babusi ba naha ena. Ho hloka hahala monna eo e reng h'a bua, kahara naha ena a ratoe, a tsejoe le ho hlompheua e le hobane a nena bobolu." A rialo.

A tsoelapele ka ho re Morena Molimo o re file naha ena e nang le lihloliloeng e bileng e nang le palo e fokolang haholo ea sechaba, feela se futsanehileng empa ho ruile batho ba it-seng ba fokolang ka palo, ba lutseng setheng ho ithuisa ka ho ipha mesebetsi e meholo ea 'muso.

O boletse hore kajeno khoeli e apohetsoe ke maru kaha bakhethi ke hona ba qalang ho elelloa hore ba khethile batho bao, "re lokelang hore ha re le paramenteng mane, re ba qose ka pelaello ea hore ba utsoitse haholo hoba ha ba le paramenteng ba hoeba le 'muso. E leng hore batho bana ba ileng pusong ba ingoathela hobane nakong ea mebuso e fetileng ba ne ba

ngoatheloa. Kajeno molo-mo oa kotlele o shebile ka ho bona."

O itse lekhetlong lena Mosotho ka mong a se lebele letho ho 'muso empa a tsohe a iketsetse etsoe mphephe e'a lapisa. A re Basotho ba tlohele ho thetsoa ka hore motho h'a qala a busa lintho li tla fetoha hanghang. A re naha ena e hloka banna le basali ba litaba ba tšepahalang, ba supang tsela, ba sebete ho etsa lintho tse ntle, ba itlamang le ho iketsa sehlabelo e le hore Basotho ba tsebe ho

phela. "Haele ha re ntse re khetha batho ba lisoaso re ntse re hamela letanteng." Ke Mojapela eo.

A etsa khoeheletso ho Makanana ohle ho ikopanya, ebe ba ntša chelete e kalo ka M50.00, ha eena a tla ba tlatsetsa ho ithehela mesebetsi ea ntlafatso, "hobane ha e le 'muso ona o teng ho o tšepa ke ho itšenyetsa nako." A lebohela le ho amohela mokanselara e mocha pontšeng ea sechaba sohle.

Puong ea hae ea teboho Monghali Motlatsi Kho-

mo o khotlaletitse bohle ba fuoeng boikarabello ho tsamaea ka mokhoa o tšoanelang pitso eo ba e bilelitsoeng ka boikokobetso, mosa le sebete ba ntse ba mamellana le ho ba le lerato. A ba kopa ho tela mashano 'me e mong le e mong a bolele 'nete ka moo e leng ka teng ho tsoa pelong ea hae molemong oa pholoho ea sechaba sa Basotho. Ke makanselara a mahlano a seng a kene ka ho SR ho hlaha mekheng le mekhotleng ea BAP, ABC le MEC.



# O khakola setša sa LNDB

## Tšeliso Thakholi

**M**okhethoa oa Lebatooa la Taung, 'Matisetso Matsie o khakotse ka molao setša sa khaho ea setsi sa lithupelo le sekolo sa batho ba nang le bokooa ba pono, sa Mokhatlo oa Lesotho oa Ntlafatso oa Batho ba nang le Bokooa ba Pono (LNDB), tšebeletsong e bileng Ha Khitšane Lebatooeng la Taung ka la 13 Tšitoe monongoaha.

H'a bua tšebeletsong ena o boletse hore sechaba sa Lebatooa Taung le setereke ka kakaretso se tllilo una molemo o moholo ka lebaka la setša sena. "Bana ba rona ba nang le bokooa ba ke ke ba hlola ba ea likolong



ke ho tla aha sekolo se tllilo ba sehlo haholo kaha se tllilo kenyeletsa sa likonyana, sa mathomo se tlang ho tšehetsa sa likonyana, se phahameng le sa mesebetsi ea matsoho. "Lebaka ke hore ha u na le bokooa ba pono ha se ka thuto ea hlooho feela u ka atlehang. Tumelo ea rona ke hore re ntse re tseba ho etsa mesebetsi ea matsoho." A rialo.

A re ba ile ba utloisisa hore kaha ha ba phele lefatšeng la bona ba le bang, ho tla ba le mekhoha ea hore ho amoheloe le bang bohle ba sechaba. "Lebaka ke hobane re re ba tloaele ho phela le batho ba nang le bokooa ba pono. E se ke ea re ha ba bona motho

ea nang le bokooa pono ba nka e ka ho na le phoso." O boletse joalo a bile a thetha ka hore ho amoheloa ha bana bohle ba sechaba ke tsela e 'ngoe ea ho busetsa molemo ho batho ba ba fileng setša e leng sechaba.

E mong oa bacha ba nang le bokooa ba pono, Khatleli Lekoba o ipilelitse ho sechaba ho nka batho ba nang le bokooa ba ntse ba tšoa-na le batho ba bang bohle, 'me ba se ke ba ba tšaba kapa hona ho ba khetholla. A kopa hore le bona ba kenyeletsoe mererong eohle ea sechaba e kang ea phumantšo ea mesebetsi le ho fuoa lerato, tlhomphele tshokomelo joaloka motho e mong le e mong.



hole Maseru koana, hobane motho ea nang le bokooa o hloka hore a be le mohlokomeli oa hae haufinyane." A rialo.

Matsie o itse sechaba se hloka thuto ea hore na motho ea nang le bokooa ba pono, ba masapo le bokooa bo itseng o tlameha hore a hlokomeloe joang, "hobane b'a hlorisoa libakeng tse ling, 'me rona re le sechaba re ba nkile e le batho ba kulang. Motho ea nang le bokooa h'a kule." A re batho ba nang le bokooa ba tlokotsing e kholo ea bophelo ba letsatsi ka leng ka lebaka la leqeme la tlhokahalo ea mesebetsi.

A phethala ka hore ba boetse ba na le tokelo e tšoanang le ea motho e mong le e mong, 'me bophelo boo ba bo phelang bo ntse bo tšoaana le ba batho bohle. Ka hona a hlokomelisa sechaba hore ha se lokele ho ba nka ba se na tokelo ea ho etsa lintho tse ka etsoang ke batho ba bang.

Mongoli-Kakaretso oa Mokhatlo oa LNDB, Monghali Themba Molikoe o itse morero o moholo oa setša

## ETL e thabisa bana

### Nthabeleng Seithleko

**B**ana bohle ba lokele ho robala ba jele 'me ba ikutloe e le karolo ea sechaba sa kamoso se lokelang ho hlompheha le ho tseba litokelo tsa sona, ka tsela eo ba tla ba le bokamoso bo chabileng. Litaba tsena li boletsoe ke Mookameli oa Econet Telecom Lesotho, Denise Platjies, phanong ea limpho ho malapa a 10 a holisang bana ba likhutsana le ba tlokotsing, ka la 13 Tšitoe monongoaha.

O re mosebetsi ona, kamphani ea habo e o etsa ho kenya letsoho ntlafalong le kholong ea bana kahar'a naha, kaha ngoana ea sa hlokomelohang kapa ea sa jeng hantle a ameha kholong ea hae. A re hore ho be le sechaba se phetseng hantle ba ile ba bona ho le bohlokoa hore ba kenye letsoho ntlafalong le kholong ea bana ka ho hopola matlo ao ho phelang bana ba likhutsana le ba tlokotsing.

O re baholisi le bahlokomeli ba bana bana ba

etsa mosebetsi o motle, o tsoileng matsoho o ke keng oa etsoa ke mang le mang empa ka lebaka la lerato le lipelong tsa bona ba bona hore ba lokela ho hlokomela bana ba likhutsana le ba tlokotsing. O re ke selemo sa 14 ETL ka letlole la eona la lithuso baneng (Higher Life Foundation) le thehiloe ha joale ba se ba thusitse bana ba 1000 ka lithoko tsa bona tsa sekolo.

A re bana ba bang ba thusitsoeng ke ETL ba se ba fumane mesebetsi hona ETL ha ba bang ba se ba fumane mangolo a thuto e phahameng. O re ba tsoelapele ho tšehetsa malapa ao ho nang le bana ba hloakang hore nakong ena ba kenye letsoho ho fetoha thabo ea bona.

O itse selemong sena ba atlehile ho ntlafatsa malapa ana; Reitumetse Children Center le Semonkong Home ka lintlafatso, kaha matlong ao ho ne ho se na chebahalo e ntle. Tsena tsohle tsa ho tšehetsa ngoana ba li etsa ka 2% eo ba e nkang liphaellong tse etsoang ke ETL. A lebohela malapa ana, 'me bana bao ba je hantle ba khone ho ba le bokamoso bo chabileng.

A re mahaeng a likhutsana a 10 a atlehileng ho una molemo ngoahola, ba ile ba potoloha le naha ka bophara ho etsa boithuto ba seo ba se hloakang ho ona.

'Mamonyane Mohale ho tsoa Lehaeng la Ministry of Hope Katlehong, o re ha ho ntho e monate ho leboha ka nako ea limpho, hobane ba sitoa ho lula le bana bana ba sa ba fe lijo le liaparo, ka hona a etsa boipiletso

hore mosebetsi ona ha ba khone ho o etsa ba le bang ba hloka tšehetsa. A re bohlo ba sebetsa le bana ba tlokotsing, hoo bana ba bang ba qetelle ba sa fuoe lijo tsa boleng. O re bana ba tlokotsing le ba likhutsana

litsi tsena kaha litsi tse hlokomelang bana li le ngata. O re lekala la habo le imetsoe ka hoo ba hloka thuso kaha ho hlokomela bana ba tlokotsing le ba likhutsana e le ntho e boima. A re ba leboha batho bohle ba kentseng letsoho tlhokomelong le kholisong ea bana kaha e le ka bona bana ba joalo ba ikutloang e le batho, 'me ba



na ba lokela ho fumantšoa thuso ka hohle-hohle kaha ngoana h'a holela sebakeng se bolokehileng, o atleha ho ba le bokamoso bo chabileng.

A re bothata boo ba tjamelaneng le bona ke tlhokahalo ea lijo le liaparo, ka hoo a kopa bahoebi ba naha ena moo ba khonang ba ba hopole e le hore le bona nakong ena eo malapa a ketekang Keresemese ba iphumane ba sa salla morao ba keteka ba thabile.

Mongoli e Moholo oa Lekala la Bacha, Tekano le Ntšetsopele ea Sechaba Mahlapane Makakole Boli-ba, o re bana ba fuoeng lijo ke ba lehlohonolo kahar'a

tla ba le bophelo bo botle.

O itse naha e tobane le bothata ba bana ba ikhulisang, ha ba bang ba holisa ba bang 'me taba eo e bakela ba bang khatello ea maikutlo. Hape o re bacha ba bangata ba likhutsana, ba bang ba sitoa ho ea likolong tse phahameng, ka hona ka ho tšehetsa bana ba kenya letsoho kholong ea bana. A re matsatsi a pele a 1000 a bohlokoa kholong ea ngoana, kaha a thusa kholong e ntle ea bana.

Mosebetsi ona, ETL e o etsa selemo le selemo e le ho khutlisetsa molemo sechabeng le ho bona hore bokamoso ba bana e ba bo chabileng.



# Tau o nehelana ka matlo

## Tšeliso Thakholi

Letona ea Tona-Kholo Mohlomphehi Limpho Tau o re ntle le matlo a 12 a Setereke sa Leribe a ileng a fefoia ke sefefa, ke matlo a 161 a bo-leng ba chelete e kaalo ka M150,000.00 a lokelang ho lokisoa naha ka bophara, ho kenyelelitsoe le a hlohang ho behoa marulelo feela ka holimo. O buile tsena tšebelatsong ea ho nehelana ka matlo a 15 ho baahi ba mabatooa a tšelatseng a Setereke sa Leribe, e bileng Tabola, Leribe ka la 16 Tšitoe 2024.

Tau o bontšitse hore ka lebaka la maemo a sa jeseng litheohelang a pheto-phetoho ea boemo ba leholimo, ho ee ho be le likhohola le meea e matla ea lifefa e fefolang matlo, 'me ka lebaka la bofuma le tlhokahalo ea mesebet-si sechaba sa Basotho se sitoa ho itokisetsa matlo a sona. Ka hona 'muso ka Lefapha la Thibelo le Taolo ea Likoluoa(DMA), le etsa letsoho la monna ho baballa le ho sireletsa bophelo ba sechaba.

A re ho latela boithuto bo ileng ba etsoa ke matlo a fetang 500 ka palo naha ka



bophara ao beng ba ona ba lokelang ho thusoa hore a tsoe bocha. A re ke matlo a 14 kahar'a Setereke sa Leribe a ntseng a tsoelapele ho sebetsoa, ha mang ona ho nehelano ka ona. A tiisa hore taba ena ke boikitlaetso ba Tona-Kholo ba ho bona hore Basotho ba na le metlotloane e nang le boitlhompho, e hlomphehang le ho fana seriti. A supa hore ke takatso ea bona ho bona motho e mong le e mong a e-na le seriti le tlhompheho

ka lebaka la moo a lulang teng.

"Ofisi ea Tona-Kholo mosebetsi oa eona oa mantlha ke ho bona hore sechaba sa Basotho se phela ka boiketlo le ka tšireletseho." O boletse joalo a bile a phethela hore ba tla boela ba khutla hanyane ka hanyane ho tla qetela matlo a mang ao e bang a setse.

Mokhethoa oa Lebatooa la Peka No.17, Monokoane Mohopoli o itse ke matlo a 28 a ileng a ripitloa ke lifefa

lebatooeng la habo la Peka, 'me kamorao ho etsa likopo tsa lithuso, o motlotlo haholo hore e be matlo a mahlanano a se a lokisitsoe, 'me o na le tšepo e kholo ea hore a setseng a 23 a tla lokisoa.

Mookameli oa DMA Monghali Reatile Ellias o itse mosebetsi oo ba o etsang bona e le bohlokoa ba DMA ke thomo ea Mohlomphehi Letona eo ba e filoeng Seterekeng sa Leribe. A re ke matlo a 14 a tšoaioeng mabatoong a tšelatseng a

setereke, 'me a robeli a se a phethetsoe ha a supileng a se a le mothating oa ho pheteloa. Tšebelato ea nehelano ea matlo ana e bile lebatooeng la Peka.

Haele Mofumahali 'Mamolelekeng Koetje oa Lepholisa lebatooeng la Peka, eena o ile a leboha mpho ena e kholo eo ba e etselitsoeng. A tiisa hore ba motlotlo haholo ka seo ba se fumaneng, empa a re tsohle ke ka thato le matla a Morena Molimo.

# Le etsa nalane machabeng

## Nthabeleng Seitlheko

Ele ho ananela ketelo ea pele ea Mongoli e Moholo oa Mokhatlo oa Machaba a Kopaneng (UN), 'Muso oa Lesotho o reheletse tsela ea letšoana ea Mpiti ho ea Lelibohong la Monontša ka Antonio Guterres, tsena li bile ka la 14 Tšitoe monongoaha.

Karolo e 'ngoe ea tsela ena ho ananela litaba tsa nalane, e reheletsoe ka Morena oa Makhoakhoa Lethole Tlhabeli Matela, 'me eona e phethetse ka chelete e kaholimo ho billione.

Letona la Mesebetse e Mehola le Lipalangoang Mohlomphehi Matjato Moteane, o itse tsela ena ea letšoana ea bolele ba likilomithara tse 70, tšebelatsong ea eona ho atlehiloe ho hiroa Basotho ba ka holimo ho 2000. A re ba leetong la ho kenya letsoho ka matla ho hokela metse ea Basotho ka litsela le lintlafatso kaha e le metse e 15 e tla

sebelisa tsela ena, hape e tla sebetse le ho kopanya linaha litabeng tsa khoebisano.

Lebitsong la Tona-Kholo Justice Nthomeng Majara, o bontšitse hore 'muso oa habo o ikemiselitse ho bona hore Basotho ba phetha maeto a bona ha bonolo, ka ho hokahanya metse ka litsela kaha tsela ena e tla hokahanya leliboho la Monontša, ka hoo Basotho

ba tla nolofalloa ke ho hoba.

O re litsela ke tlhoko e kholo ho sechaba, ka ntle ho lintlafatso ha ho na hore naha e ka hola ea ba le chebahalo e ntle mahlong a balichaba, ka hoo ba hloka ho khutlisa seriti sa naha, tsoelopele le kholo ea moruo molemong oa Basotho bohle.

Morena oa Sehlooho oa Makhoakhoa Tumane



Matela, o re tsela ena ke ea bohlokoa kaha e tli'o ba thusa maeto ho phethaha habonolo, ka hona ho bohlokoa hore Basotho ba e baballe, le lintlafatso tsohle kaha ho le molemong oa bona e seng oa mang kapa mang.

A re ho rehellola ha tsela ena ka Mongoli e Moholo oa UN ho tliisa nalane kahar'a naha, ho boloka le maqhamana a linaha. O itse sechaba sa habo se ile sa sotleha nako e telele ka lebaka leo ba e baballe kaha e le tsela ea boleng.

E mong oa baahi 'Maneo Rabolinyane, o itse tsela ena e ba thusitse kaha ba atleha ho phetha maeto habonolo, ebile ha ba sa tla sebelisa leliboho la Maseru

kapa Maputsoe empa ba tla sebelisa la Monontša ho leba naheng ea boahelani kaha e le lona le haufi. O re ho ne ho ba nka lihora tse hlano pele ba fihla hae ka lebaka la tsela e mpe eo ba neng ba tsamaea ho eona, hoo ba neng ba tseba hore ba lokela ho kopa boroko ho baahi ba bang e bang ba fetela pejana.

O re ba phetse ka bolutu nako e telele e le litlheketsa tsa basali le bana, hape batho ba ea le metsi hobane ba tšela likhohloana le lino-ka. A re ba leboha 'Muso oa Lesotho ka ho ba ela hloko e le sechaba sa tikoloho eo hobane seo se tla thusa le hore libaka tse ka hohelang bohahlauli li bonahale li sebelisoa li tsebahala hore ba-

# LNDC e tsomela naha

## Nthabeleng Seitlheko

**K**oporasi ea Ntšetsopele ea Moruo (LNDC) e re Naha ea Lesotho e na le bolokohi ba mebaraka le moruo o potolohang habonolo kahar'a sechaba, kahoo ho bonolo ho tsetela ho eona. Litaba tsena li boletsoe ke Mookameli oa LNDC Adv. Molise Ramaili, lipuisanong tsa 'Muso oa Germany le Lesotho, ka la 15 Tšitoe monongoaha.

O re Naha ea Lesotho e na le mehloli ea metsi, khoebisano e bonolo le linaha tse ling, ebile ba haufi le Durban ka hoo ho bonolo ho tsamaisa lihlahisoa tsa

ling. A re ba entse boitlamo ba ho bona hore ba matlafatsa likhoebo tse nyenyane kahar'a naha kaha e le tsona tse nang le moruo o tsitsitseng o bile o khona ho potoloha habonolo.

O itse ba rata hore mebuso eohle e tsebe hore Naha ea Lesotho e ikemiselitse ho hoebisana le eona, kaha ba phela ka khotso, e le sebaka se ka natefelang batho bohle. A re ba boetse ba kene ka matla ntlafalong ea lintlafatso joaloka temo le khaho ea lifeme ho ntlafatsa moruo oa naha.

O bontšitse hore naha ea Germany e ke ke ea ikoahlaha ha e ka tsetela kahar'a naha ea Lesotho kaha ho sena ntho e sieo eo ba ka e hlohang.

eona.

O re e bang lifeme li ka buleloa Basotho ka boikopanyo ba bona, 'muso oa ba tšehetsa ka lichelete re naha e ka holang ka potlako kaha litaba tsa boqapi li le ngata le bacha ba kene ka matla khoebong. O re ho theola sekahla sa tlala le tlhokahalo ea mesebetsi ke ntho e nyane eo 'muso le ba ikarabellang o lokelang ho tlosa likhoqetsane bohle ba nolofaloe ke ho kena khoebong.

O itse ha feela naha e bapatoa ka boikarabelo e seng molemong oa ba itseng hoo ho tla thusa hore Basotho ba ntlafale khoebong, moruo oa naha o hole. Bothata bo bohlo naheng ea Lesotho ke ba



bona. A eketsa ka hore ba boetse ba sebelisa puo ea Senyesemane e le ea machaba haholo khoebong ka 86.2% ha basebetsi ba le bangata kaha naha e le sechaba se 2 milione 'me e na le 63.3% ea sechaba se ka sebetsang. O re o lumela hore lipuisano tsena tsa khoebo le Naha ea Germany ha li ka tsamaea ka thelo li tl'o matlafatsa khoebo kahar'a naha, botseteli le khoebisano ea linaha.

A re ba ntse ba tso'ere ka thata ho bona hore naha e fumana batseteli ho hlaha linaheng tse ling ka morero oa ho nyolla moruo oa naha le tlhahiso ea mesebetsi. Ka lebaka leo ba rata ho bona moruo o nyoloha, 'me boholo ba Basotho ba boela ba khutlela mosebetsing.

Ka lehlakoreng le leng, Letona la Khoebo Mohlomphehi Mokhethi Shelile, o supile hore Lesotho ke naha e lulang e bulelehile molemong oa khoebisano le linaha tse

Mohlopholli oa litaba tsa moruo, Letsatsi Sephepha, o bontšitse hore naha ea Lesotho e na le monyetla o holimo oa ho ntlafala khoebong ho latela mofuta oa baeti ba kenang kahar'a naha, ho bohlokoa hore ba bone hore le lifeme li sebelisoa ke batho bohle sechaba se ikopanye se etse lihlahisoa eseng li emele mohla batseteli baleng teng kaha seo se tla liehisa ntlafalo ea moruo oa naha le kholo ea

batho ba batlelang naha mekhoha ea khoebo empa ba ichebile bo bona ba sa re letho ka sechaba.

H'a phethela o re 'muso o tšehelitse likhoebo tse ngata tsa Basotho empa ha ba re letho ka hore na li fihlela boemo bo phahameng joang hore khoebo tse joalo e be tsa moshoelella kahar'a naha re be naha e itšematlelang e seng e pepileng mahetleng a balichaba.



# Germany e tšepisa Lesotho



## Nthabeleng Seitlheko

**L**etona la Lihlolileng Mohlomphehi Mohlomi Moleko, o re ketelo ea President ea Germany e tla thusa ho tšehetsa leano la Lesotho la phehlo ea motlakase o hloekileng ka metsi e le karolo e kholo ea ho se silafatse tikoloho. Litaba tsena o li boletse ka la 14 Tšitoe monongoaha.

O re mosebetsi ona o tla etsoa habonolo kaha Naha ea Germany e se ntse e tšehelitse morero oa ReNoka ka lichelete, ka hoo ba bile le potoloho le President ea Germany ho sheba maputulo ao naha e seng e a fihletse ka morero ona. O re Naha ea Lesotho e tlo hloka tšehetso e kholo ea 'Muso oa Germany ka phehlo ea motlakase e tla thusa tlhahisong ea mesebetsi le moruo o ntlafetseng.

A re ba tla boela ba tsitsa litabeng tsa phehlo ea motlakase joalokaha ba se ntse ba tl'o etsa setsi Ox-bow se tla fehla motlakase ka metsi, moea le letsatsi, hape ho boetse ho tla ba le libaka tse ling joaloka Mahobong moo ho tla fehloa motlakase ka moea le metsi le khaho ea letamo la Makhalaneng, ka hona

ho hlokalalang ke hore linaha tsa Lefatše li thuse Lesotho ka lichelete hore le tsebe ho anetsa phehlo ea motlakase o hloekileng.

President ea Germany Frank Walter Steinmeier, o hlalositse hore ho sa natsoe boemo ba phetoho ea leholimo metsi ke mokokotlo oa moruo oa Naha ea Lesotho, ka hona a lokela ho hlokomeloa le ho sireletsoa ka hohle-hohle. A re lefatše ha le phele ka thoko ho metsi ka lebaka leo Lesotho le lokela ho boulela mehloli eohle ea lona, ho anetsa thuto sechabeng le ho balla metsi kaha e le moo moruo oa Lesotho le ntlafalo ea lona e itšetlehileng teng.

A re ba ikemiselitse ho tšehetsa Naha ea Lesotho ho bona hore litaba tsa phehlo ea motlakase o hloekileng e tsoelapele, molemong oa kholo le ntlafalo. O re linaha tse ling li sokola metsi, ka hoo Lesotho le lokela ho ba motlotlo ka seo le nang le sona kaha le e-na le taemane eo linaha tse ling li e khallang.

Ho sa le joalo e le ho keteka lilemo tse 200 sechaba sa Basotho se thehiloe, President 'moho le moifo oa hae, ba ile ba etela Qiloane ho ithuta ka se ileng sa thokola katiba ea mokorotlo e leng seo Basotho ba leng motlotlo ka sona.

Moeletsi oa Basotho  
MOELETSI oa BASOTHO

[@oaBasotho](#)  
[WhatsApp +266 600 78 124](#)  
[Moeletsi oa Basotho](#)

To advertise with us, please contact:

**Tell: (+266) 2835 0466**  
**Email: [adverts@moeletsiobasotho@gmail.com](mailto:adverts@moeletsiobasotho@gmail.com)**


1

Sesotho  
Newspaper  
in Lesotho



# MOB KIDDS EDUTAINMENT

**Puzzle MOB 92-4566**



**HO EA TLAASE**

- 1 Mathatana a linku kapa a lipoli (8)
- 4 Botona ba thokoana (6)
- 5 Ke phoofolo e kholo ea naha e litsebe, nko le maoto a matelele. (4)
- 7 Phoofolo e bopehileng joaloka katse e kholo, e boea bo bongata ho ea hlohong. (3)
- 10 Mebala ea liphoofole e sa ateng ka har'a seboko sa Makhoakhoa ke khoaba, koebu le..... (7)
- 12 Bohobe bo sallang ka pitseng ha ho boptjoa lipolokoe (9)
- 14 Phoofolo e makhoarikhoari, e jang nama. (5)
- 17 Seo Bakhatla ba anang ka sona (6)
- 19 O mong oa mese ea Sesotho. (10)
- 20 Matlalo a liphatlha tsa likhomo (7)


- 2 Mofuta oa katse tse kholo tsa naha (4)
- 3 Batho ba anang ka mokopu (10)
- 5 Phoofolo e kholohali e bopehileng joaloka khomo, e naka le leng. (7)
- 6 Lijo tse apehoang ke ngoetsi e sale hosasa (9)
- 8 'Mala o mofubelu o nang le matheba a masoeu. 'Mala o mo.... (4)
- 9 Bohobe bo hlakolang leloala (9)
- 11 Koena e 'mala o bothokoa bo.....(8)
- 13 Masimo a mothating (Selotho) (6)
- 15 Libapali li lula li shebane ka mahlong. E koetlisa mahlo.(5)
- 16 Papali ea balisana e bapaloang Mariha ka melamu (5)
- 18 Lentsoe le leng le boelang sehahabi (4)

**HO TŠEKALLA**

- 1 Hangata noha ena e fumaneha maralleng (6)

**SOLUTION**

**MOB 92-4465**





# TSA KEREKE

## Le ka fetola lefatše-Mopapa



### Staff

**N**tate ea Halalelang o fetisitse molaetsa ona ho bacha ba Rome, hore e mong le e mong oa bona o na le matla a ho fetola lefatše sebopeloho. Sena o se buile kamor'a hore lekalana la ACLI la Mokhatlo oa Basebetsi ba Bakriste ba Italy, Rome le entse phutheho e reretsoeng ho tsebisa barutoana lefatše la mosebetsi, ka la 17 Tšitoe monongoaha.

Mopapa Francis o boleletse barutoana bana hore "lefatše le bulehile kapele ho bona." "Le ka shebahala le tletse batho ba bangata ebile le e-na le pherekano ha le qala ho fihla," Ke Ntate

ea Halalelang eo, "empa le hloka tlatsetso ea lona. Ke rata ho bolella e mong le e mona oa lona hore le tliša ntho e ncha lefatšeng. Ka lona kannete ruri sohle se ka fetoha."

O ile a tsoelapele ho bua ka pelo eo e leng sehlooho sa lengolo le bitsoang Dilexit nos 'me a bontša hore na ntho ena e ka amana joang le basebetsi. O itse ka tloaela pelo re e amahanya le lerato le setsoalle, "empa ha e le kannete re tsamaea le eona ho ea mosebetsing... Ho ea ka Mangolo a Halalelang, pelo ke sebaka se thusang motho ho nka liqeto. Ka hona se hlokomeleng." A re mantsoe ao oa bua hobane bacha ha ba kena mosebetsing, ba ka

imeloa ke litebello tse lebetsoeng ho tsoa ho bona.

Ka nako eo tsena tsohle li etsahalang o ba khothalelitse ho ithuta ho mamela lipelo tsa bona e le hore ba tsebe ho ba le khotso ba lokolohile. A re ba se ke ba iphumana ba lumellana le litaelo tse ba hobosang le ho ba hlokisa botsitse, kapa ho latela litsela tse khellang fatše ho loka ha bona.

A re hore motho a tlise phetoho kapa a kenye letsoho lefatšeng h'a lokela ho lumela tsohle, joaloka bobo. "Se ka etsang lintho tse sa lumellaneng le seo li lumelang ho sona," Ke Mopapa, "hobane le shebile ho ratoa ke batho kapa ho fumana phaello ea chelete. Bobo ba re arola, bo tlosa litoro tsa rona; ebile bo re tšeka thajana hoo re tlo ikutloa re se karolo ea batho ba bang."

A qetella molaetsa oa hae ka ho memela barutoana "ho sebetsa 'moho le ho aha likamano" e le ho "aha bocha malapa le ho fetola likamano tsa lerato tsa botho."

"Pelo ea motho e tseba ho ba le tšepo." O boletse joalo. "Seo mosebetsi o se etsang ha se ho arola, empa ho re lokolla e leng se qalang ka pelong ea motho ka mong."

Vatican News

## 2024-2025 SELEMO C

### Sontaha sa 4 sa Advente

Mikea 5,1-4

Pesalema 79

Baheberu 10,5-10

Luka 1,39-44



### Khothatso

### Thabo ea Morena e be hara lona

Matsatsing a seng makae ho tloha ha joale re tla be re keteka Keresemese, letsatsi la ho tla ha Morena ka ho inkela botho ba rona ka lerato la Morena Molimo. Ke na le tšepo e tiileng ea hore kaofela ha rona re bile le nako e lekaneng ka nako ea Advent ho ithopha le ho itokisetsa kaha e se e tla fela.

Thuto ea Pele e phatlalatsa ho fihla ha Messia, 'me ho utloisisa hantle boprofeta bona ba Mikea bo etsahetseng ka selemo sa 750 BC motho o lokela ho ipeha linakong tsa pele Kriste a hlaha. Mikea o profeta hore hofihlela nako eo mohla Messia a tlang ho fihla ka eona, Bajudi ba tla tsoa ba ntse ba le khatellong le tlasa lichaba tse ling.

Messia enoa ea tlang ho tla ke oa metso ea khale-khale, ka mantsoe a mang e tla ba Molimo ka sebele. Taba ea hore Messia e tla ba Molimo ka sebele e phetoe boprofeteng ba Malakia selemong sa 397 BC. (Isaia 7:14; Matheus 1:23) Mikea o tsoelapele hore sechaba sa Israele se tla ba tlasa lichaba tse ling hofihlela ea leng mahlabeng a behile. Ntlha ena ha motho a ka e tlela ka leihlo la nama e ka mo ferekanya hobane e bua ka tokoloho bokhobeng ba sebe ka Mali a Kriste.

Bohle ba amohetseng Sakramente ea Tlhatsuo ba bile ba tiiselitse tumelong ea bona ba tla shoa nameng, empa ke majalefa 'Musong oa Morena. Ba lopolotsoe bohatelling ba batho, mahlong le ntoeng e sa feleng ea moea le lefatše. Ke 'nete eo Messia ea tšepisitsoeng a tiileng ho tla e phatlalatsa, e leng litaba tse monate tse phethahatsang litšepiso tsa Testamente ea Khale. Boholo ba boinamafatso bo bonahala ka lerato, mohau le tsoarelo ea Morena Molimo.

Evangeling le utloa hore nakong eo Maria a kenang tlung ea Zakaria 'me a lumelisa Elizabetha, o ile a tla Moea o Halalelang 'me bolela mantsoe a ngotsoeng Mangolong a Halalelang. Ka tsela e tsoanang Joannes Mohlatsoi a le popelong ea 'm'ae Elizabetha o ile a hlasi-moloha ke thabo.

Liketsahalang tsena tse peli moea o sebetsa ho bao grasia ea Morena le Moea o Halalelang li ba fihletseng. Ka mokhoa o tsoanang ho tla ha Kriste lefatšeng ho lokela ho thetsa lipelo tsa e mong le e mong oa rona. Ho rona ho tlameha ho tsoa metsi a tla phalla hamonate ho ea baneng ba habo rona. Joalokaha Joannes Mohlatsoi le 'm'ae ba ile ba bontša thabo ea bona ho Morena, kaofela ha rona ha re ba etsisetseng ka ho ba le lifahleho tse khanyang khotso. Ba bang ba lona ba tla lebella Lesea Jesu hofihlela le fihla lefatšeng, ha bang ba tla tsoha hoseng ha Kereseme empa bohle kaofela ba tla ithophela tsoalo ea Morena. E le hore thabo ea rona bohle e phethahale hantle nakong ena eo re ketekang ho tla ha Morena lefatšeng, boitokisetso ba rona bo lokela ho kenyeletsa ho amohela Morena Sakramenteng e Halalelang haholo ea Aletare, e le hore ho halalela ha hae ho tle ho lule litempeleng tsa rona tsa nama.

Joalokaha le tseba, ka nepo hore e tle e be Mokriste o amohetse Eukariste hantle o lokela pele a qale Sakramenteng ea Pako hobane ka nako eo o tla ba boemong ba grasia ebe o tseba ho hlaha pel'a sefahleho sa Morena e le ea tsoanelang. Joale thabo ea hae e tla fihlela phetheho e sa feleng.

Thabo ea Morena e ke e be le lona kaofela nakong ena!

## Bahalaleli har'a Beke

- 23 Tšitoe Vintila
- 24 Tšitoe Adele
- 25 Tšitoe Eugenia
- 26 Tšitoe Stephen
- 27 Tšitoe Fabiola
- 28 Tšitoe Domnio

### Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tsoeu tsa Rammoloki, Li tsoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntsang tsoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tlae. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malataliana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhagholla u re qiti! Moshanyan'a sankatana le kholumo-lumo. Ho iloe kae ke bo-Mmabana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa lilothe tse monate; bo-mmenthele o hlotse baruti.

Leseli! Khanya!

# Kingdom Select e'a ipabola

## Tšeliso Thakholi

Lihlopha tse peli tsa naha tsa Rugby Sevens tse bopileng ka mekhahlelo ea banna le basali tsa Kingdom Select, li koetse selemo sena ka thabo le monyaka ka ho bapala lipapali tsa tsona tsa machaba ka katleho e kholo, litlholisanong tsa Mohope oa Khan'sicala Rugby Sevens Festival tse bileng Setsing sa lipapali sa Mavuso Sports Centre, Eswatini ka la 14 ho isa la 15 Tšitoe 2024.

Ka mokhahlelong oa basali, Kingdom Select e hapile mohope kamor'a ho tlonlolla Eswatini kapel'a barati le batšehetsi ba eona ka ho e pola ka phafa ea 35-0. Joalokaha e ka ha ho oa lekana ha e ntse e ipetlela tsela ea ho nka mohope, e ile ea boela ea pheta Mozambique ka ho e khakhattha ka lintlha tse tsoanang le tsa Eswatini. Papaling ea ho qetela ea makhaola-khang ea puputla Mozambique ka 25-5, 'me ea kena e kiba-kiba ka mohope le limentlele tsa khauta kahare ho Naha ea Lesotho.

Haele ka lehlakoreng la banna, Naha ea Lesotho e



hlile ea ipaka hore e batla ho hahara mehope eohle, ea mpa ea sitisoa feela ke ho hloloa ke sehlopha sa Mpumalanga ho hlaha Naheng ea Afrika Boroa papaling ea sona ea pele ka 20-19, 'me tsa boela sa kopana ho makhaola-khang moo sehlopha sa Profensi ea Mpumalanga se ileng sa boela sa hlola Lesotho lekhetlo la bobeli ka 19-14.

Kingdom Select e hlahile

boemong ba bobeli tjena, e le ha ene e ile ea qala pele ka ho masola Mozambique ka 14-5, ea nt'o tokhotsa Eswatini 12-5, 'me papaling ea sona ea boraro pele ho makhaola-khang e ile ea hloloa ke sehlopha sa Mpumalanga ha se ne se etsoa ka lesoba la nale ka ho e hlola 20-19.

Ho ea ka Raliphatlatso oa Mokhatlo oa Lesotho oa Papali ea Rugby (FLR),

Monghali Morapeli Motaung ke lekhetlo la boraro Naha ea Lesotho e hapa lipapali tsena, 'me selemong sena sa bone lipapali tsena li ntse li bapaloa ka katleho e kholo, e hlahile boemong ba bobeli. A re litlholisanano tsena li bapaloa ke linaha tse 'ne, e leng Lesotho, Mozambique, Eswatini, le Afrika Boroa kaha eona e tla ka Profensi ea Mpumalanga. A re tebello e ne e le hore monongoaha

Naha ea Botswana e tla ba teng, empa e ile ea qetella e chele ntši, e sa ka ea eba teng. A thetha ka ho bontša hore morero o moholo oa litlholisanano tsena ke ho holi-sa papali hore e tsoelepele. "Ka 'nete rona re le li-sevens, morero ke oa linaha tsena tse ikopantseng ho bona hore papali e'a hola le hore libapali le tsona li 'ne li fumane monyetla oa ho bapala". Ke Morapeli eo.

## Ba holisa Senuka

### Tšeliso Thakholi

Lihlopha tse 'ne tse sa tsoa thehoa tsa papali ea Senuka, li kene boitokisong bo matla ba ho tla kena litlholisanong tsa ho hapa chelete e kaalo ka M5,000.00 le mehope, lipapaling tse tlang ho bapalloa

Khabetsoana Seterekeng sa Berea ka la 27 Tšitoe monongoaha ho isa la 1 Pherekhong isao.

Motšehetsi oa lipapali tsena Tankiso Molahlehi o re sepheo se sehlo sa mantlha ke ho holisa le ho matlafatsa papali ea Senuka kahare ho naha le ho hleka bacha le batho ba

baholo libakeng tse kotsi ka matsatsi ana a maholo a phomolo e telele ea Keresemese le Selema se Secha. "Empa e ka sehlohong ntate, ke hore re ke re theole maema a tšebeliso ea tai ka lipapali tsena kaha bacha le batho ba baholo ba tla be ba ile ho ea bapala ha ba bang ba il'o boha

lipapali tsena, 'me ho boha ke mahalal!" A rialo.

Molahlehi eo e leng selemo sa boraro a tšehelitse lipapali tsa mofuta ona, o re lebaka le leng ke la ho buseletsa sechabeng joalokaha lipapali tsena ho tloha sethathong e sa le li bapalloa khoebong ea hae ea thekiso ea lijo le linoamapholi.

Lihlopha tse tlang ho kena litlholisanong ke tseo papali ea tsona e tsoileng matsoho. O re ke lihlopha tse ileng tsa tsoa pele ho tse tšeletseng tse neng li tsoare litlholisanano tse fetileng ka khoeli ea Phupjane monongoaha. A re lihlopha tse tla tsoa mae-mong a pele le a bobeli li tla fumana mehope le M2,000.00 ka tatellano, ha tse peli tsa ho qetela li tla fumana M500.00 sehlopha ka seng.

"Lihlopha tsena ke tsa Motimposo le Khubetsoana tseo morero e leng ho tla li ngolisa Liking ea Lipapali tsa Senuka isao. Ke lihlopha tse bapalang papali e ntle haholo hoo ke sa kang ka tsoafa ho ntša chelete ena eo ke li tšehetsang ka eona." Ke eena eo.

O tsoelapele ho bontša hore lerato la hae papaling ea Senuka ke la ho tloha khale, joale se mo hlat-

soang pelo ke hore lihlopha tsena li bapalloa ke batho ba ntseng ba le bacha lile-mong, bao boholo ba bona ba ntseng ba kena Likolo tse Phahameng. "Ke ile ka utloa ke fehetsoe ka Phupjane ha ke qala ho bona bana bana ba bapala Senuka. Ke ile ka utloa e ka ke toro ha ke bona barutoana ba bapala Senuka ka mokhoa o motle hakaalo," ho rialo Molahlehi. A re ka lebaka leo, o utloa sena se mo qosa hore a kenye letsoho ho bona hore o ntšetsapele papali ea Senuka le ho matlafatsa talenta ea bana.

E mong oa libapali tsa Senuka Mpho Moloi ea bapallang se seng sa lihlopha tsa Motimposo o re chelete eo o e batla e le sehlopheng sa habo. Moloi o re bacha ba rata papali ea Senuka haholo empa bothata bo teng ke khaello ea mabala le hore batsoali b'a ba hanela kaha boholo e bapalloa matlong a thitelo. "Tšabo ea bona ke hore re tloha re khahloa ke ho noa joala, athe ha ba tsebe hore ke papali joaloka tse ling e ntse e na le melao e e tsamaisang." O boletse joalo a bile a qetella ka ho ipiletsa ho batsoali ho ela hloko talenta ena e ka matsohong a bona ea papali ea Senuka.



# E lutse lejoe le motsu

**Tšeliso Thakholi**

**M**aikutlo a phahame lipakeng tsa lihlopha tse kholo tsa Matlama le bompoli ba bolo Naheng ea Lesotho e leng Lioli hore na ke sefe sehlopha se tla hlotha Mohope oa VODACOM Premier League molomong oa se seng ha li tla be li phethela mokhahlelo oa ho qetela oa Liki isao. Matlama e qetile lipapali tsa eona tsa mokhahlelo oa pele, 'me e lutse boemong ba pele ka lintlha-khoho tse 30, ha Lioli bobeling e bokelelitse lintlha-khoho tse 26.

Matlama e rapela bosiu le motšoare hore e ka iphumana e hapile liki kaha e se le nako e telele li ntse li e phamola matsohong a eona. E bang Matlama e ka hapa lipapali tsa eona tse tharo ka tatellano, e tla iphumana e fihletse toro ea eona ea ho phamola Lioli Mohope oa Liki. Empa e re kaha ke taba e tsebahalang hore ha ho haptjoa likhomo ha ho tšehisanoe, sehlopha sa Lioli se bonahalang



moea o renang kahare ho sona e le oa ho sireletsa mohope se ka 'na sa boela sa hapa liki lekhetlo la bobeli ka tatellano.

Lihlopha tse ling tse bonahalang li behile Matlama le Lioli merebele habohlolo ke bompoli ba mehlang ba Liki e leng Bantu e boemong ba

boraro ka lintlha-khoho tse 25 ka mokotleng. Ha LMPS e ntseng e makatsa batho letsatsi le letsatsi ka papali ea eona e tsoileng matsoho e petelitse lihlopha tse tharo tse ka holimo lokong habohlolo, boemong ba bone ka lintlha-khoho tse 25. Lioli le Matlama tse tseki-

sanang boemo ba pele li ile tsa makatsa balateli ba bolo mafelong ana a beke a tsoa feta ha li paqamisa lihlopha tseo li neng li qothisana lehlokoa le tsona, ka ho etsa ntho e sa tloaelehang ea ho li hlola ka lintlha tse tsoanang e leng 3-0 sehlopha ka seng. Matlama

e hlohlorile Mzamane e hulung ka boima lihlopheng tse kholo ka 3-0, ha Lioli e ile ea pola Lijabatho ka 3-0. Mehlolo ea mehlolo Liking e Khoho!

Leha ho le joalo lihlopha tse peli ke tsona tse shebiloeng ka leihlo le nchocho kaha e le tsona tse tla supa hore na mohope o tla leba ka Lekoishining kapa o tla boela o khutlela TY lekhetlo la bobeli.

Ho sa le joalo Komiti e Tsamaisang Liki ea Lihlopha tse Khoho (PLMC), e fihletse qeto ea ho chechisa lipapali tse neng li saletse morao, tse neng li lokela ho tla bapaloa bekeng ena ka lebaka la boitokiso bo bileng matla ba sehlopha sa naha, Likuena khahlanong le Angola.

PLMC e bontšitse hore lipapali tsa Lioli le Mzamane, LCS le LMPS, Bantu le Ace Maseru, Manonyane le Machokha, Majantja le Matlama, LDF le Liphakoe, Lifo-fane le Linare le Lijabatho le LU li tla bapaloa bekeng ea la 11 ho isa la 12 Pherekhong isao.

## Likuena e tobane le tau

**Tšeliso Thakholi**

**S**ehlopha sa Naha sa Bolo ea Maoto se tliil' o tsoara tau ka litlana, ha se tla be se hoebeshana le sa Palancas Negras ea Angola papaling ea leoto la pele la litholisano tsa Mohope oa Bompoli ba Linaha tsa Afrika(CHAN), tse tliil' o tsoareloa linaheng tsa Afri-

ka Bochabela e leng Kenya, Uganda le Tanzania ka la 1 ho isa la 28 Hlakola isao.

Papali ena e tliilo bapalloa Lebaleng la Moses Mabhida Naheng ea Afrika Boko ka Moqebelo oa la 21 Tšitoe monongoaha, mohloli leotong la bobeli le tlang ho ba Estadio 11de Novembro, Luanda ka la 28 Tšitoe 2024 o tla fuoa tekete ea ho ea bapala lipapaling tsa Afrika Bochabela.

Ha Likuena e ka hlola lipa-

pali tse na tsa leoto la pele le la bobeli e tla be e entse nalane Tikolohong ea Afrika kaha e tla be e le lekhetlo la pele e kenela lipapali tsa CHAN. Papaling ena ea mafelo a beke Mokoetlisi Leslie Notši o entse liphetho tse tharo sehlopheng sa hae, kaha o kentse sebapali se ntse se le senyenyane haholo lilemong, e leng Leluma Mofoka(17) ea neng a ntse a khethiloe papaling ea mokhahlelo oa pele ea

be kamora ho bapala lipapali tsa hae tsa Liki e Khoho mafelong a beke a tsoa feta.



litlholisano tse na, ha Likuena e tla hlola Namibia ka 4-3 empa o ile a sitoa ho ba teng kaha a ne a ntse a itokisetsa ho ngola lihlahlobo tsa mapomelo.

Sebapali sa bobeli seo mokoetlisi a se bitselitseng Sehlopheng sa Naha ke khalala ea bolo ea maoto e leng Jane Thabantšo, ea ileng a ntšoa sehlopheng ka lebaka la ho tsoa likotsi, 'me ho tsoile Lemohang Lintša ka lebaka la ho tsoa likotsi kamor'a papali ea bona le Naha ea Central African Republic. E mong oa ba khutlileng ke Hlompho Kalake le hoja a tsoile likotsi tse bobeli

Ho ea ka mokoetlisi ho hapa lipapali tse na ka bobeli e tla ba tlotla e khoho ho bahlankana le ho Sehlopha sa Naha, "kaha motho ha u sheba lilemong tse peli tse fetileng Likuena ho ne ho bonahala e ka khoho e teng, 'me seo re se hlohang ke ho ba sehlopha se matla se tsitsitseng." A re ba boetse ba sebeletsa ntlha e khoho haholo ea bohlokoa kahare ho sehlopha e leng ea ho hlaba lintlha, "hobane ka lipapali tse na li le peli ho rona ke makhaola-khang a hore re fetele mokhahlelong o ka holimo oa ho kenela lipapali tsa CHAN." Ke Notši eo.

# Baitšokuli ba malala-a-laotsoe



## Nthabeleng Seithleko

**B**aitšokuli ba khothaletsoa ho ntlafatsa likomiti tsa bona tsa bohokela, e le karolo ea tširetseho khahlanong le litlokotsebe, nakong ena ea mafelo a selemo. Litaba tsena li boletsoe ke Mookameli oa Mokhatlo oa Kha-thang Tema Baitšokuli, Tšolo Lebisa, puisanong le Koranta, ka la 17 Tšitoe monongoaha.

O re baitšokuli ba to-bana le liphephetso tse ngata, tsa ho nkeloa lichelete le ho sebelisetsoa marang-rang ao e seng a 'nete ebe masholu a ikhapela lithepa tsa bona. A re ke nakong ena ba lokelang ho itšireletsa, ho tšehetsana le ho bona hore ba rekisetsa libakeng tse bolehileng moo ho seng bonolo hore ba hlekefetsoe.

O re basali ba baitšokuli hangata eba mahlatsipa a ho nkeloa lithepa, ka linako tse ling hobane ba rekisa ba tsamaea kapa linokoane li ba tsohela matla. A kopa hore ba koale mek'huk'hu ea bona ka nako molemong oa polokeho le tšireletseho ea thepa ea bona.

A etsa boipiletso hape hore ba boele ba fane ka menyenyetsi ho sepolesa ha ba bona liketso tse ba belaetsang hore ba tsebe ho thuseha ka nako. O re ke nakong e thata eo le likhoebo tsa baitšokuli li hulang ka lithako tsa morao, ha batho ba bangata ba sa sebetse 'me litsotsi li nka monyetla nakong ena e boima.

O phethetse ka hore bao ba lokela ho ipaballa ba nke boiketlo ba bona e le ntho ea bohlokoa e tla ba thusa ho hlola liqholotso tsohle tseo ba tobaneng le tsona.

Mohokahanyi oa Mananeo kahar'a Mokhatlo ona, 'Mamo-



lise Lawrence le eena o supile hore bohokela ha bo phele metseng feela, le baitšokuli ba bo phelise moo ba lulang teng le mesebetsing

ea bona e le karolo ea ho felisa botlokotsebe bo jeleng setsi. A re ba etse bonnete ba hore ba netefatsa marang-rang a bona a tsamaiso ea lichelete ka nepo ho qoba ho qhekanyetsoa ka thepa ea bona le lichelete ka melaetsa ea maiketsetso.

O re ke nako ea hore ba bone hore likhoebo tsa bona tse ntseng li thuthuha li boela li phahame e le hore ba tsebe ho isa bana likolong le ho phelisa malapa a bona. A kopa bohle ho koala likhoebo ka nako ho qoba ho nkeloa lithepa tseleng le ho khaoletsoa ha ba ea malapeng.

A ipiletsa ho basali ho sebeletsa libakeng tse bulehileng, le ho bona hore baitšokuli bohle b'a

mahlelebe, o tiisitse hore nakong ea mafelo a selemo liphephetso li ngata kaha ba hlekefetsoa, ba utsoetsoa le ho nkeloa lichelete ka bolotsana. A re ho hlola liqholotso tsena ba se ba itlhophele ka makhalo ho fapakana hore ba tla sebetsa joang mafelong ana a selemo.

O re kaha ba sebetse 'moho e le baitšokuli e mong ke letsoho la e mong le polokeho ea e mong. A re ba ipiletsa ho beng ba liketso tsena ho emisa hang-hang kaha taba eo e senyetsa bona bophelo.

O phethetse ka hore ho rekisa b'a rekisa empa khoebo ha e tsamaee hantle joaloka lilemo tse

tšehetsana le ho sebetsa 'moho le mafapha a ikarabellang.

E mong oa baitšokuli ba sebeletsang Pitso Ground 'Maneo Ra-

fetileng hoo ba phehang lijo li be li sale. A re ho boima kaha basebetsi ba lifemeng e le bona batho ba rekang hangata ntle ho khethollo.

## Our beliefs are responsible for who we are

Often times when things don't go well in our life we wonder where it all went south. We probably start looking for someone or something to blame. We are petrified to look into the self but find comfort in seeing a fault in someone or something for where we are. However, if we were to be honest and serious about anything,

the first point of departure should be to sweep our house before finding dirt in others. What could be the cause of our dimes? Let's look at what we believe, as our belief system guides our thinking while our thinking informs our actions. Let's look really into what we believe, what is it that we believe? The beliefs translate into

what we dream, dreams guide our actions. Those actions translate into our reality. Let's look into our reality now, do we live what we have always wanted, if not, then let's fix it through fixing what we believe. If we can manage to change our mindset we are set to change our reality.



**Teboho Matjeka**  
63574502/58911803